



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCLXIII. De Destructione oppidi Strasberg.

urn:nbn:de:hbz:466:1-11850

*Gotefridus C. de Hohenloh XI. Mag. Gen. Ordinis Teut.
Meneke de Quersfurt XII. Mag. Provinc. in Prussia*

Teuton. Mag. Generalis præfuit post obitum Hermanni à Salza; refertque hanc ejus secundam Electionem ad an. 1292. die S. Andree Apostoli. Dicit autem nomen Henrici ipsum accepisse, cum Sacro baptismate tingeretur: Nomen vero Gothofredi in susceptione Ordinis suum fuisse *Vid. Grun. tractat. 10. C. 2.* Verum hæc vix probari poterunt. Ut enim tactam, usitatum hoc non fuisse, ut illi, qui Ordinis Regulae se subjicerent, nomina sua mutarent: certe tantum est temporum inter Henricum illum & hunc Gothofredum intervallum, ut unus idemque Magister esse non queat. Statuit enim Grunovius Henricum de Hohenloch an 1221. Hermannno de Salza esse suffectum, quo tempore minimum 30. annos natum esse oportuit. Deinde anno 1292. esse electum. Post hæc An. 1295. Capitulum habuisse Elbingæ. Indè se Magistratu abdicasse, itemque eundem resumissè.

CAP. CCLXIII.

De

Destructione oppidi Strasberg.

HOC anno scil. Domini M. CCXCVIII. *Anno Dn. MCCXCVIII.*
de Lethovia (a) CXL. viri tam improvisè irruerunt in die B. Michaelis in oppidum (b) Strasberg, quod totum populum & unum Sacerdotem occiderunt, mulieribus & parvulis captis & præter verecundiam, quam aliis Sacramentis fecerunt, unus purgando alvum baptisterium defœdavit; Quos frater Conradus Saccus Provincialis terræ Colmensis cum multis fratribus & armigeris secutus usque ad interiora deserti, comprehendit, & liberatis Christianis captis, omnes interfecit, sic quod unus non evasit qui talem eventum posset posteris nunciare.

ANIMADVERSIONES.

(a) CC. habet Chron. Ger. Antiq. in 4.

(b)

Gottfridus de Hobenloh XI. Mag. Gen. Ord. Teuton.
Ludovicus de Schippen XI. Mag. Prov. Prussiae.

(b) Strasburgum, Polonicè Brodnica dictum, conditum esse dicitur.
Anno 1285. Henneb. in Comment. p. 438.

CAP. CCLXIV.

De

Suburbiorum combustione Castrorum

Junigeda & Pista.

EO tempore, quo Exercitus fratrum de Pruschia adhuc esset in partibus Livoniae, frater Cuno Commendator de Brandenburg cum magno Exercitu aggressus Castra Junigedam & Pistam, eorum suburbia igne funditus destruxit, & cum recederet, supervenit quidam frater de Raganita navigio cum quibusdam armigeris, qui exiens ad pugnam contra Castrenses coegit totum Exercitum fratrum redire ad praelium initum, quo certamine unus Lethovinus virilis homo occisus est, & plures utriusque partis graviter vulnerati.

An. Dn. MCCXCIX. Bonifacius Papa VIII. & Albertus Rex Romanorum regnant.

Anno Domini MCCC. Tartari exeuntes à seditibus suis invaserunt Saracenos, & primo in Cappadocia, deinde in partibus Seleucia sive Antiochia. Inde in Armenia majori & minori abinde in totam terram promissionis & in Damasco & in Gaza usque ad confinia Aegypti, in quibus omnibus Regionibus plusquam CC. Millia Saracenorum occiderunt. Eodem anno fuit annus Jubileus & Dominus Bonifacius Papa dedit omnibus visitantibus limina Beatorum Petri & Pauli Apostolorum plenissimam indulgentiam peccatorum.

CAP. CCLXV.

De

Fratre Ludowico de scipe Mag.

terrae Prussiae.

Frater